



## Informacija o stanju vodostaja na vodnom području rijeke Save u FBiH

Sarajevo, 30.12.2020 u 15:00 sati

U proteklom periodu pale su značajnije količine padavina (snijega i kiše) a što se nastavlja i tokom današnjeg dana. U narednim danima se takođe prognoziraju padavine manjeg intenziteta što je uslovalo potrebu za pojačanim praćenjem vodostaja na svim vodotocima na vodnom području rijeke Save u Federaciji BiH.

"Agencija za vodno područje rijeke Save" Sarajevo redovno, nekoliko puta tokom dana, detaljno analizira sljedeće podatke:


- Trenutne vodostaje na mreži automatskih vodomjernih stanica na vodnom području rijeke Save u FBiH koje su u vlasništvu Agencije,
- Prognozu vremena za naredna četiri dana dostavljenu od strane Federalnog hidrometeorološkog zavoda,
- Trenutne vodostaje na rijeci Savi uzvodno od granice sa BiH koji su dostupni na web stranici Hrvatskih voda,
- Rezultate prognoze padavina i vodostaja prognoznog modela za Unu-Sanu kao i platforme prognoznih modela za kompletan sliv rijeke Save.

Imajući u vidu sve navedeno možemo reći da se u naredna dva-tri dana očekuje povećanja vodostaja vodotoka na vodnom području rijeke Save u FBiH, posebno na području cijelog toka rijeke Bosne sa mogućnošću dostizanja nivoa pri kojem počinje obavještanje o poplavama.

Obzirom na karakter prognozirane pojave predviđa se porast vodostaja u narednim satima i odnosi se na sve vodotoke vodnog područja rijeke Save u Federaciji BiH (sliv Une i Sane, sliv Vrbasa, sliv Bosne i sliv Drine).

Sve aktivnosti na praćenju i obavještanju o trenutnom hidrološko-hidrauličkom stanju se provode u skladu sa Federalnim operativnim planom odbrane od poplava. Po dostizanju vrijednosti mjerodavnog nivoa vodostaja pri kojem počinje obavještanje o poplavama Agencija će provesti sve mjere predviđene FOP-om.

Treba imati u vidu da su ovo orjentacione prognoze na osnovu projiciranih podataka padavina, što može imati uticaj i na vrijednosti vodostaja.





Zbog svega navedenog, kao i promjenljivih vremenskih uslova koji se očekuju u narednom periodu, AVP Sava nastavlja sa redovnim i pažljivim praćenjem vodostaja i stanja na svim vodotocima na vodnom području rijeke Save u FBiH.

Sugerišemo povećan oprez nadležnim institucijama da prate situaciju i postupaju u skladu sa svojim ovlaštenjima.

Odjeljenje za Informacioni sistem voda

Dežurni centar

